



tešanjski BILTEN

Interno informativno glasilo, Godina XIV, mart 2009. Broj 42



U ovom broju:

**Intervju sa
Predsjedavajućim OV-a**

Budžet 2009 - usvojen

**MSOT - Menadžment
sistem Općine Tešanj**

DocuNova - novi softver

**Akcioni plan
ozelenjavanja**

**Gradina 2009 - pilot
projekat**

**Industrijska zona
Rosulje**

**Tešanjско proljeće
2009. godine**



mart/objavak 2009.

TEŠANJSKO PROLJEĆE 2009

DANI MUSE ĆAZIMA ĆATIĆA

Polaganje cviljeća na Čatićev grob i recital literarne sekcije Gimnazije "Musa Ćazim Ćatić"	12. mart - četvrtak, 16 sati, Gimnazija
Srednjovjekovni bosanski grbovi, izložba grbova iz vlasništva Franjevačkog samostana u Fojnici, sudjeluje fra Mirko Majdandžić, gvardijan Samostana	12. mart - četvrtak, 18 sati, CKO Tešanj
Program Dana Gimnazije "Musa Ćazim Ćatić"	13. mart - petak, 16 sati, Pozorišna dvorana Centra
Pozorišna predstava "Od E do Z" Enis Bešlić i Zlatan Zuhrić	14. mart - subota, 19 sati, Pozorišna dvorana Centra
Projekcija igranog filma "Turneja" (Srbija)	16, 17. i 18. mart, ponedjeljak - srijeda
Kamerni teatar 55. Sarajevo - Dubravko Mihanović: "Žaba", red. Elmir Jukić	19. mart - četvrtak, 19,30 sati, Pozorišna dvorana Centra
Promocija romana Bajružina Hajre Planjca "Brackina družina" - sudjeluju: dr. Ibrahim Kajan i učenici OŠ "Huso Hodžić"	20. mart - petak, 17 sati, CKO Tešanj
Promocija knjige: "Beskrajna svjetlost - Muhamed a.s." i "Vjerovjesnikov sunnet", autor Fethullah Gulen	21. mart - subota, 17,30 sati, Mala sala CKO
Predstavljanje knjige Atifa Kujundžića "Pride iz predgrađa"	24. mart, OŠ Tešanjka, Jelah i "R. Kadić" Tešanj
Pozorište Tešanj, premijerna predstava "Petar Pan"	28. mart - subota, 19 sati, Pozorišna dvorana Centra
Lutkarsko pozorište Mostar: "Dvije princeze" - dvije predstave za dake osnovnih škola	1. april - srijeda, 13 i 15 sati, Pozorišna dvorana Centra
Međunarodni turnir u golbalu "Tešanj 2009"	4. april - subota, 10 sati, OŠ "Huso Hodžić" Tešanj
Promocija knjige "Tešanj, grada", izbor usmene književnosti sa tešanskog prostora (pir. Melida Travančić) - sudjeluju: dr. Denana Buturović i glumci Bosanskog pozorišta Tešanj	10. april - petak, 18 sati, CKO Tešanj
Projekcija igranog filma "Čiko" (Turska-Njemačka)	11,12. i 13. april, subota-ponedjeljak
Izložba crteža i slika - Edhem Mehinić: "Stari grad Tešanj", sudjeluje dr. Enver Mandžić	16. april - četvrtak, 19 sati, Mala sala CKO

DANI OTPORA FAŠIZMU

Polaganje cviljeća na spomen obilježja u Tešnju i Tešanjci	4. april - subota, 18,30 sati, Centralno spomen-obilježje
Svečana akademija u povodu 4. aprila - Dana otpora fašizmu	4. april - subota, 19 sati, Velika sala CKO
Sportski dan Tešanj - Jelah	11-12. april - subota-nedjelja, 10 sati, OŠ "Huso Hodžić" Tešanj
Okrugli sto na temu: Značajni datumi Tešanj 92-95.	18. april - subota, 11 sati, Mala sala CKO
Tradic. šehidski mevlud, 3. maj - Dan šehida općine Tešanj	3. maj - nedjelja, 12,30 sati, džamija u Mekisu

PRIVREDNI SUSRETI

5. sajam privrede Biznis 2009. Tešanj	23 - 26. april, Sportsko-rekreacioni centar
---------------------------------------	---

IZJAVE PREDSJEDNIKA KLUBOVA NAKON USVAJANJA BUDŽETA OPĆINE TEŠANJ ZA 2009. GODINU



Amir Kurtić (SDA)

"Jednoglasnim usvajanjem Budžeta pokazana je saradnja svih stranaka. Tome su doprinjeli razgovori Općinskog načelnika sa predstavnicima političkih partija."



Senad Subašić (SDP)

"Zadovoljni smo zbog usvajanja Budžeta. Od naših šest amandmana tri su usvojena."



Munevera Alić (SBiH)

"Budžet je usvojen jednoglasno, ali nisam zadovoljna - nije predviđena kriza, nije riješeno pitanje vode, kanalizacije."



Sejid Brka (BPS)

"Ne znam zašto se dizala prašina oko Budžeta - Budžet nije bio upitan. Mi smo željeli razvojni Budžet, a sad je dokazano da se razgovorom može doći do cilja."



tešanjski BILTEN

Interno informativno glasilo Općine Tešanj

Izdaje: OPĆINA TEŠANJ

Redakcija

Edina Kadušić, Ferid Mustafić, Suad Huskić,
Kanita Gredelj i Bahrudin Nočić

Glavni i odgovorni urednik
Edina Kadušić

Adresa Redakcije

Općina Tešanj, trg Alije Izetbegovića 11, 74260 Tešanj

Telefoni 032/650-341 i 032/650-022 (lokal 107),

Fax 032/650-220

E-mail press@opcina-tesanj.ba

Tiraž 2.000

Štampa Grafik-komerc Tešanj

Potražite najaktuelnije informacije na našoj zvaničnoj web stranici

www.opcina-tesanj.ba

INTERVJU SA PREDSJEDAVAJUĆIM OPĆINSKOG VIJEĆA TEŠANJ

Održano je pet sjednica Općinskog vijeća. Koliko ste zadovoljni radom u proteklom periodu?

Ako pogledamo sadašnji odnos političkih stranaka unutar Vijeća koji je bitno drugaciji nego što je to bilo u prošlom sazivu, moram reci da je bilo određenih poteškoca pogotovo na samom početku tako da ne mogu reci da sam previše zadovoljan, ali nisam ni nezadovoljan.

Potrebno je puno više truda i rada nego do sada da bi Vijeće moglo raditi na jedan demokratski način i svakako mislim da će se ći u tom smjeru. Dobar pokazatelj da smo na putu koji podrazumjeva više dijaloga i donošenja odluka koncenzusom je i da smo razmatrali više od 50 tacaka na proteklih 5 sjednica vijeća od kojih je dobar dio usvojen jednoglasno pa tako i Budžet.

Koje su kratkorocne aktivnosti koje Općinsko vijeće planira realizirati?

S obzirom na finansijsku krizu svjetskih razmjera koja nas nije i neće zaobiti kratkorocne aktivnosti su način na koji ćemo pokušati ublažiti efekte ove krize. Budžet smo usvojili, a sada moramo iskoristiti sredstva koja su dostupna te ih usmjeriti u pravome smjeru. Unutar Vijeća se mora postići jedinstvo stranaka koje će biti partner izvršnoj vlasti. Pred nama je teško razdoblje i najveći izazov će biti kako prevazići finansijsku krizu, a očuvati socijalni mir.

Potrebno je definisati zajednicke ciljeve i raditi na programima zajedno te tako ispuniti obecane ciljeve. Isto tako moramo očuvati funkcionisanje javnih ustanova, ulagati u poljoprivredu, izdvojiti sredstva sa socijalna davanja te svakako nastaviti ulagati u

ekološke projekte u skladu sa usvojenom Strategijom razvoja općine Tešanj.



Šta će građani dobiti profesionalizacijom radnog mjesta predsjedavajućeg Općinskog vijeća?

Profesionalizacija pozicije predsjedavajućeg Općinskog vijeća je proizašla iz inicijative stranaka koje participiraju u Vijeću u skladu sa Statutom Općine Tešanj koji to omogućava. Naime, primjetila se realna potreba za većim angažmanom predsjedavajućeg koja nije moguća na dosadašnji način. Smatram da će se profesionalizacijom pozicije predsjedavajućeg Općinskog vijeća dobiti kontinuitet u radu Općinskog vijeća.

Dobiti će se efikasniji rad Vijeća kao i bolja koordinacija aktivnosti Vijeća. Druge općine imaju tu praksu tako da naša općina neće biti izuzetak po tom pitanju.

Kakvi su Vaš planovi u radu Vijeća u naredne četiri godine?

Planovi u naredne četiri godine su da se ostvari što bolja saradnja sa Načelnikom i službama a sve u službi građana naše općine.

Općina ima male nadležnosti u odnosu na više instance vlasti, ali unutar tog manevarskog prostora po-

trebno je voditi računa o interesu naših građana.

Općina je servis građana i kao takva mora svoje aktivnosti usmjeriti ka razvoju bolje i zdravije sredine za sve svoje građane što će i biti naš cilj u naredne četiri godine.

Svakako treba posvetiti pažnju usvojenoj Strategiji razvoja općine Tešanj. Potrebno je pokušati riješiti probleme kanalizacije kao i vodoopskrbe na području općine, povećati ulaganja u poljoprivredu te u razvoj male privrede.

Vijeće će dati punu podršku Agenciji za razvoj od koje se očekuje da će biti motor razvoja naše općine, da će privući kako domaće tako i strane investitore te pomoći u dobijanju sredstava iz pristupnih fondova.

Vedran Kaser - rođen 29.04.1984. godine u Doboju, diplomirani je inženjer informacionih tehnologija. Na konstituirajućoj sjednici Općinskog vijeća Tešanj koja je održana 21. i 28. novembra 2008. godine, sa 14 glasova ZA i 11 PROTIV, kao predstavnik stranke SDP, izabran je na poziciju predsjedavajućeg Općinskog vijeća Tešanj u mandatu 2008-2012. godina.

USVOJEN BUDŽET OPĆINE TEŠANJ ZA 2009. GODINU

Nakon što je u decembru prošle godine donesena Odluka o privremenom finansiranju Budžeta Općine Tešanj za period januar-mart 2009. godine, Općinsko vijeće Tešanj je na 5. sjednici 27. februara 2009. godine jednoglasno usvojilo Budžet Općine Tešanj za 2009. godinu. Usvajanju Budžeta je prethodila izrada nacrti i provođenje javnih rasprava u kojima je učešće uzelo 40 lica, te usklađivanje stavova na odvojenim sastancima sa predstavnicima klubova Općinskog vijeća.

U bilansu Budžeta Općine za 2009. godinu, predviđeni su ukupni prihodi i primici, bez učešća mjesnih zajednica u finansiranju i prenesenih sredstava iz tekuće godine, u visini od **9.200.000,00 KM**, što je u odnosu na procjenu ostvarenja u 2008. godini manje za **2,13%**.


Kada se u procjenu uključe sredstva učešća mjesnih zajednica u finansiranju projekata od **570.000,00 KM**, koje je utvrđeno na bazi iskazanog interesa u okviru budžetskih zahtjeva mjesnih zajednica, prihodi i primici Budžeta iznose **9.770.000,00 KM**.

Uključenjem u procjenu prenesenih sredstava viška prihoda iz tekuće godine u visini od **700.000,00 KM**, ukupan Budžet za 2009. godinu iznosi **10.470.000,00 KM**.

Struktura prihoda i primitaka sa sredstvima mjesnih zajednica i prenesenim sredstvima iz 2008. godine, uporedo sa strukturom iz 2008. godine iskazana je u sljedećem tabelarnom i grafičkom prikazu:

Vrsta prihoda - primitka	2008. godina		2009. godina	
	Iznos	Procent	Iznos	Procent
Direktni porezi	2.065.000,00	22,04%	1.995.000,00	19,05%
Indirektni porezi	4.054.000,00	43,27%	4.215.000,00	40,26%
Neporezni prihodi	1.951.000,00	20,82%	2.513.000,00	24,00%
Tekućih grantovi	175.000,00	1,87%	177.000,00	1,69%
Kapitalni grantovi i primici	215.000,00	2,29%	300.000,00	2,87%
Učešće mjesnih zajednica u finansiranju	690.000,00	7,36%	570.000,00	5,44%
Prenesena sredstva	220.000,00	2,35%	700.000,00	6,69%
SVEGA PRIHODI I PRIMICI	9.370.000,00	100,00%	10.470.000,00	100,00%

Tabela 1. - Struktura prihoda i primitaka za 2008. i 2009. godinu



Grafikon 2. - Struktura prihoda i primitaka za 2009. godinu

Imali smo krajem godine neprihvatanje Budžeta, 14 najavljenih amandmana, zatim smo imali raspravu i usaglašavanja odvojenom sa klubovima vladajuće trojke u Općinskom vijeću.

Sa SDP-om smo bili sve usaglasili, sa drugima su ostale 2-3 otvorena pitanja. Na novi prijedlog smo dobili 6 amandmana i u pauzi sjednice Vijeća postigli konsenzus svih stranaka. To je sada najvažnija činjenica s kojom ulazimo u realizaciju budžetskih rashoda.

Beskorisno je raspravljati da li je ovo najbolja varijanta Budžeta, ali je važno da sada uradimo najbolje što možemo da ovu varijantu takvu kakva jeste implementiramo.


Općinski načelnik Fuad Šišić



Struktura rashodovne strane budžeta u odnosu na 2008. godinu, nakon načinjenih izmjena, iskazana je u sljedećem grafičkom pregledu:

R. br.	Vrsta rashoda i izdataka		Plan za 2008. godinu	Procent 4/suma	Plan za 2009. godinu	Procent 4/suma
1	2		3	4	5	6
1	Sredstva za bruto plaće, naknade i naknade vijećnika	22,84%	2.140.000,00	22,84%	2.453.000,00	23,43%
2.a	Direktni materijalni rashodi organa uprave	5,47%	512.500,00	5,47%	566.000,00	5,41%
2.b	Ostale usluge za općedruštvene potrebe	11,99%	1.123.000,00	11,99%	1.514.000,00	14,46%
3	Tekuci grantovi (transferi), kamate i sredstva rezervi	22,12%	2.073.000,00	22,12%	2.675.700,00	25,56%
4	Kapitalni grantovi (transferi) i izdaci	37,58%	3.521.500,00	37,58%	3.261.300,00	31,15%
	UKUPNO		9.370.000,00	100,00%	10.470.000,00	100,00%

Tabela 2. - Struktura rashoda i izdataka



Grafikon 2. - Struktura rashoda i izdataka za 2009. godinu

NASTAVLJEN OBILAZAK PRIVREDNIKA NA PODRUČJU OPĆINE TEŠANJ

OPĆINSKO RUKOVODSTVO
OBIŠLO FIRMU ENKER

Nakon posjeta privrednicima u proteklom periodu, tokom februara i marta Općinski načelnik sa saradnicima posjetio je još nekoliko privrednih subjekata na području općine Tešanj.



Prva u ovom krugu posjeta je bila firma Enker. Direktor firme **Berzad Vilašević**, upoznao je općinsko rukovodstvo sa trenutnim problemima, a koji su posljedica globalne ekonomske krize. Firma *Enker* trenutno ima 260 stalno uposlenih radnika i 28 na određeno vrijeme. Inače, firma *Enker* je prema rezultatima Poslovnih novina, među sto najuspješnijih firmi u Bosni i Hercegovini.

POSJETA FABRICI BME

Pomoćnik Općinskog načelnika **Hamzaliya Hojkurić** posjetio je i obišao fabriku **BME** u Kraševu. Fabrika je specijalizovana za proizvodnju čeličnih konstrukcija sa svojim vlastitim projektnim biroom, bravarskim odjeljenjem i odjeljenjem za zavarivanje.



Prepoznatljiva je po serijskoj proizvodnji komponenti i čeličnih konstrukcija. Direktor **Muho Ahmetović** upoznao je da fabrika u općini Tešanj postoji od 2007. godine i da trenutno ima 48 zaposlenika.

Menadžment fabrike **BME d.o.o.** je internacionalni i dio je holandske grupacije koji proizvodi za renomirane holandske kompanije.

POSJETA FIRMAMA
FAD I BELIF

Općinsko rukovodstvo posjetilo i proizvodni pogon firmi **FAD i BELIF** Jelah. Direktor firme **FAD Ćazim Hamzić** i njegovi saradnici upoznali su sa planovima za realizaciju strateškog projekta izgradnje livnice. Na taj način bilo bi uposleno novih 100 radnika. Prema riječima direktora, **FAD** još uvijek nije osjetio svjetsku krizu i od početka godine nije bilo otpuštanja radnika. Inače **FAD** je u sastavu **ASA Prevent grupacije** i njihov glavni kupac je **Volkswagen**.



Tvornica hemijskih proizvoda **BELIF** postoji od 1996. godine i trenutno ima 20 uposlenih. Firma proizvodi po najvišim svjetskim standardima, a od 2003. godine uspostavljen je sistem kvalitete ISO 9001:2000. Direktor **Adem Šišić** je napomenuo da firma posjeduje sve dozvole za rad sa hemijskim materijama, upotrebne dozvole i da praktično uopće nema zagađivanja okoline. Kompletna fabrika je izgrađena i opremljena sa najstrožijim si-



gurnosno-tehničkim uslovima. **BELIF** je u 2008. godini plasirao na tržište BiH, Hrvatske i Italije preko 1.500 000 litara raznih proizvoda iz svog proizvodnog programa.

Inače, **Adem Šišić** proglašen je menadžerom godine za oblast proizvodnje na 10. izboru Automobila godine u organizaciji **Auto Media Group d.o.o. Sarajevo**.

POSJETA FIRMI
INOX AJANOVIĆ

Općinski načelnik **Fuad Šišić** sa saradnicima posjetio je i obišao firmu **INOX Ajanović**. Firma se bavi obradom nehrđajućih inox metala kojim se uređuju enterijeri, exterijski kao i završni radovi u građevinarstvu.



Direktor firme **Dženan Ajanović**, upoznao je općinsko rukovodstvo da firma trenutno ima 40 zaposlenih radnika, a prelaskom u nove prostorije planira se upošljavanje još 40.

Cilj posjeta je upoznavanje sa planovima razvoja i blagovremeno pružanje usluga općinske administracije, naglasio je Općinski načelnik.

Ukoliko dođe do požara potrebno je obavijestiti

Dežurnog u Profesionalnoj vatrogasnoj jedinici Tešanj na broj telefona 123 i 032/650-720; ili Dežurnog u Policijskoj stanici Tešanj na broj telefona 122 i 032/651-606; ili Operativni centar civilne zaštite na broj telefona 121 i 032/650-439.

USVOJEN PREDNACRT REGULACIONOG PLANA "POSLOVNA ZONA GLINIŠTE"

Općinsko vijeće Tešanj je na 5. sjednici održanoj 27. februara 2009. godine donijelo Odluku o usvajanju prednacrt Regulacionog plana "Poslovna zona Glinište" i uputila ga u javnu raspravu.

Regulacioni plan poslovna zona "Glinište" obuhvata prostor između magistralnog puta M4 na sjeveru, regionalnog puta sa južne strane i lokalnih saobraćajnica sa istočne i zapadne strane - prostor naselja Jelah, Rosulje i Vukovo, površine 76 ha. Planirani prostor ima karakter savremene poslovne zone, koja pored skladišno-proizvodnih objekata ima i prateće sadržaje kao što su hotel, banka, ambulanta, vrtić, tržni centar te sportske i rekreativne sadržaje, koji će biti u funkciji, kako samog planiranog naselja tako i šireg područja.

Inače, Općinsko vijeće Tešanj je na 40. sjednici održanoj 28. maja 2008. godine donijelo Odluku o pristupanju izradi Regulacionog plana "Poslovna zona Glinište

", općina Tešanj. Nakon toga, Općina Tešanj je potpisala Sporazum o zajedničkom učešću u finansiranju izrade Regulacionog plana "Poslovna zona Glinište" sa preduzećem IGM "Usora" Jelah, a u cilju efikasnije izgradnje poduzetničke infrastrukture, davanju doprinosa rješavanju nezaposlenosti, te kao podrška razvoju poduzetništva u ostvarenju sistemske saradnje i partnerstva, odnosno implementirajući utvrđene programe "Strategije razvoja općine Tešanj 2007-2015 godina". Izrada Regulacionog plana "Poslovna zona Glinište" općina Tešanj je povjerena najpovoljnijem ponuđaču "Urbanistički zavod RS" a.d. Banja Luka, a Služba za prostorno uređenje je preuzela aktivnosti na izradi navedenog plana kao nosilac pripreme, te uputila na usvajanje urađenu koncepciju Regulacionog plana "Poslovna zona Glinište", općina Tešanj Općinskom vijeću Tešanj i javnosti.



ODRŽANA JAVNA RASPRAVA NA "PROGRAM POTICAJA ZA UNAPREĐENJE PRIMARNE POLJOPRIVREDNE PROIZVODNJE U 2009. GODINI"

U Sali Općinskog vijeća Tešanj 10. marta 2009. godine održana je javna rasprava na Program poticaja za unapređenje primarne poljoprivredne proizvodnje u 2009. godini.

Raspravu su organizirali predstavnici Službe za finansije i ekonomiju, koji su i nosioci izrade ovog programa. Program poticaja podrazumjeva




jednokratne isplate, za čiju realizaciju su u Budžetu Općine Tešanj za 2009. godinu obezbjeđena sredstva u visini od 340 hiljada maraka.

Na martovskoj sjednici Općinskog vijeća Tešanj bit će ponuđen konačan prijedlog Programa poticaja za unapređenje primarne poljoprivredne proizvodnje u 2009. godini.

MENADŽMENT SISTEM OPĆINE TEŠANJ

U Sali Općinskog vijeća Tešanj 5. februara 2009. godine Općinski načelnik Fuad Šišić javnosti je prezentirao Menadžment sistem općine Tešanj. Cilj je kreiranje dodatne vrijednosti u svakoj aktivnosti, na svakom radnom mjestu, koji će podržavati uspješno kretanje ka dostizanju vizije i ciljeva postavljenih u strateškim dokumentima Općine Tešanj i tako realizirati svoju misiju optimiziranjem resursa.

Da bismo povećali efektivnost i efikasnost u procedurama i procesima, trebamo **sistematski pristup optimizaciji - Menadžment Sistem Općine Tešanj**.



Menadžment Sistem Općine Tešanj obuhvata:

1. Tehnološke promjene

- Promjene u alatima: digitalni umjesto pisani zapis, analiza umjesto statistika, poboljšanje procedura umjesto otklanjanja pojedinačnih propusta

2. Strukturalne promjene

- Organizaciju prilagoditi i kapacitirati novim zahtjevima

- Promjena organizacijske kulture, normi i vrijednosti

3. Promjene uposlenih

- Razvoj ljudskih resursa umjesto kadrovske statistike
- Promjene u vrijednostima, vještinama i stavovima svakog uposlenog

4. Promjene usluga

- Novi zahtjevi traže nove procedure i rješenja
- Decentralizirana uprava

POTPISANI UGOVORI O STIPENDIRANJU STUDENATA U STUDIJSKOJ 2008-2009. GODINI

U subotu, 7. februara 2009. godine u O.Š. Huso Hodžić u Tešnju potpisani su ugovori o stipendiranju studenata sa područja općine Tešanj za studijsku 2008-2009. godinu.

Ugovore su potpisali Općinski načelnik Fuad Šišić i 234 studenta koja će stipendirati Općina Tešanj. Ove godine stipendije su dobili svi studenti koji ispunjavaju uslove za dobijanje stipendije. Tako je odlučeno na zadnjoj sjednici Općinskog vijeća Tešanj, održanoj 30. januara 2009. godine. Na ovaj način pokazana je spremnost Općine da mladima da još veću podršku u školovanju na višim i visokoškolskim ustanovama.

Studentima su se, osim pomoćnika Općinskog načelnika Suada Huskića, obratili i Općinski načelnik



nik Fuad Šišić te predsjedavajući Općinskog vijeća Vedran Kaser. Inače, na raspisani konkurs za općinske stipendije ukupno je podneseno 256 prijava.

DOCUNOVA2 - DOCUMENT MENAGMENT SYSTEM

Krajem februara, u učionici Općine Tešanj održana je press konferencija na temu *Docunova 2 - document menagment system*. Cilj press konferencije je bio upoznavanje javnosti sa programom koji su uposlenici Općine počeli koristiti od početka marta 2009. godine. Docunova omogućava menadžerski pristup, a namjenjena je za praćenje procesa rješavanja i pohranjivanja zahtjeva u skladu sa važećim zakonskim propisima iz oblasti kancelarijskog poslovanja, naglasio je pomoćnik Općinskog načelnika Ferid Mustafić. Prisutnim su se obratili i predstavnici firme dobavljača softwera *Itineris d.o.o.* iz Tuzle, Zlatko Džinović i Danijel Stuhli. Za uposlenike Općine Tešanj održana je desetodnevna obuka u Tuzli i Tešnju za korištenje ovog programa. Inače, program *Docunova 2* se koristi u 60 općina u Bosni i Hercegovini.



OBRAZOVANJE TURISTIČKIH VODIČA U OKVIRU PROJEKTA "TRAGOVIMA BOSANSKOG KRALJEVSTVA"

U proteklih nekoliko godina Fondacija *Mozaik* radi na razvijanju kulturno-turističkih destinacija u Bosni i Hercegovini i obrazovanju turističkih vodiča.

Tešanjski dio osoblja u projektu „*Tragovima bosanskog kraljevstva*“ Arman Korajlić i Ilvana Alikadić su uspješno završili prvi dio obuke za turističkog vodiča pod organizacijom *BSB knowlage Center d.o.o. Sarajevo*

koja je održana u Visokom krajem februara 2009. godine dok je Mirela Jazvin završila obuku za rad u info



uredu koju je organizovao *AMADEUS BH d.o.o. Sarajevo*. Slijedi obuka za turističke vodice u Ministarstvu za turizam i okoliš.

Na ovaj način stvorit će se preduslovi za kvalitetniji prihvata turista koji posjećuju općinu Tešanj. Cilj je da svi koji dođu u posjetu Tešnju imaju na raspolaganju mlade i osposobljene osobe koje će im na najbolji način predstaviti našu sredinu.

POČELA EDUKACIJA PREDSEDNIKA SAVJETA I SEKRETARA MJESNIH ZAJEDNICA

U Sali Općinskog vijeća Tešanj od sredine februara počela je edukacija predsjednika Savjeta i sekretara mjesnih zajednica sa područja općine Tešanj. Tokom edukacije bit će obrađene različite teme - *Normativni akti, Finansijsko poslovanje, Propisi o građenju i vođenju projekata, Zakon o upravnom postupku i kancelarijsko poslovanje, Ekologija i komunalna hi-*



gijena, Informisanje, Elektronska komunikacija i Socijalna zaštita. Cilj edukacije je pružanje novih informacija, uspostavljanje efikasnijeg oblika komunikacije i veći protok informacija, upoznavanje sa zakonskim propisima i poštivanje istih te bolja saradnja sekretara i predsjednika Savjeta sa uposlenim u Općini, a sve u cilju uspješnijeg rada mjesnih zajednica.



OPĆINSKI NAČELNIK PRIMIO GRUPU DEMOBILISANIH BORACA

Općinski načelnik je primio grupu koja je predstavljala demobilisane borce na protestu od petka 6. marta 2009. godine u sastavu: Halil Mahalbašić, Sakib Mujkanić, Senad Sejdić, Muhamed Čeman i Samil Kalabić.

Ovom prilikom su pomenuti predstavnici tražili smjenu rukovodstva JOB - Tešanj i šefa Biroa za zapošljavanje Tešanj. Općinski načelnik i pomoćnik za boračko-invalidsku zaštitu Nerminka Handžić su iznijeli razumijevanje za njihove zahtjeve, ali i nenadležnost u postupanju, te su uputili prisutne borce na legitimnu i legalnu proceduru u ostvarivanju njihovih zahtjeva.

mart/objavak 2009.

IZ PROTOKOLA

DELEGACIJE MEŠIHATA ISLAMSKJE ZAJEDNICE U SRBIJI I INTERNACIONALNOG UNIVERZITETA U NOVOM PAZARU POSJETILE OPĆINU TEŠANJ

U petak, 13. februara 2009. godine Općinski načelnik **Fuad Šišić** sa saradnicima primio je delegaciju *Mešihata Islamske zajednice u Srbiji* predvođenu muftijom **Muamer ef. Zukorlićem**, delegaciju *Internacionalnog univerziteta u Novom Pazaru*, te Muftiju zeničkog **Ejub ef. Dautovića** i glavnog imama *Medžlisa Islamske zajednice Tešanj* **Fuad ef. Omerbašića**.



Nakon prijema, u Centru za kulturu i obrazovanje u Tešnju održana je tribina na temu *Muslimani u Sandžaku*. Delegacija je posjetila i Muftijstvo zeničko, Univerzitet u Zenici, Islamski pedagoški fakultet u Zenici, te firmu Koteks u Tešnju.

DELAGACIJA OPĆINE TEŠANJ BORAVILA U RADNOJ POSJETI U HRVATSKOJ

Delegacija Općine Tešanj u sastavu predsjedavajući Općinskog vijeća Vedran Kaser, savjetnici Općinskog načelnika Ismar Alagić i Husein Galijašević boravila je u u radnoj posjeti Velikoj Gorici i Varaždinu u Republici Hrvatskoj.



Cilj posjete je sagledavanje njihovih iskustava u pogledu razvojnih agencija i pristupa evropskim fondovima. Vijest o posjeti objavljena je u Večarnjem listu, 11. februara 2009. godine.

ODRŽANA SVEČANOST POVODOM 1. MARTA SVJETSKOG DANA CIVILNE ZAŠTITE I DANA CIVILNE ZAŠTITE FEDERACIJE BIH

U Sali Općinskog vijeća Tešanj održana je svečanost povodom 1. marta - svjetskog Dana Civilne zaštite i Dana civilne zaštite Federacije BiH.

Gostima su se obratili komandant Općinskog štaba civilne zaštite Tešanj **Fuad Šišić** i načelnik Štaba **Nizah Mehinović**, kao i direktor Kantonalne uprave Civilne zaštite **Sead Džanović**.

Nakon obraćanja dodjeljena su priznanja za 2008. godinu i to:

1. Pismena pohvala civilne zaštite:
- **"Mann+Hummel.ba"** dd Tešanj,

- **"Srednja stručna škola"**, Tešanj,
- **Elma Topić** - uposlenica Doma zdravlja "Izudin Mulabecirović-Izo",
- **Atif Terzić** - uposlenik "Pobjeda" dd Tešanj,
- **Marko Šimunović** - vođa A tima za uklanjanje NUS-a,
- **Žarko Lončarević** - vođa A tima za uklanjanje NUS-a,
- **Slavko Baštijanović** - vođa A tima za uklanjanje NUS-a,
- **Pavica Galić** - vođa A tima za uklanjanje NUS-a.

2. Zahvalnica civilne zaštite:
- Osnovna škola **"Mustafa Mulić"** Šije.

PROJEKAT "ZA ZDRAVLJE I LIJEP OSMJEH"

Ovih dana se privodi kraju projekat edukacije djece prvih i drugih razreda osnovnih škola na području općine Tešanj, pod nazivom "za zdravlje i lijep osmjech".

Projekat obuhvata edukativna predavanja, te praktično pokazivanje njege zubi i usne šupljine. Koordinator za općinu Tešanj je prim.dr. Samir Hundur, specijalista pedodont. Projekat obuhvata edukaciju preko hiljadu učenika u devet osnovnih škola.

PILOT PROJEKAT "GRADINA 2009" - "ŽIVOT NA STAROM GRADU"

"Život na Starom gradu" je pilot projekat koji ima za cilj revitalizaciju i oživljavanje raznih sadržaja i aktivnosti na Staroj tešanskoj tvrđavi. Prijedlog za ovaj projekat, a kao rezultat interesa mjesne zajednice Tešanj, Centra za kulturu i obrazovanje, Turističke zajednice ZDK Tešanj i drugih, inicirao je Općinski načelnik u svrhu realizacije akcionog plana za 2009. godinu iz sačinjenog programa djelovanja u periodu od 2009-2014. godine.

S obzirom na konstantan porast turističkih posjeta Tešnju, revitalizacija Gradine kao glavne turističke atrakcije grada Tešnja predstavlja ključni korak u poboljšanju turističke ponude grada Tešnja. Obogaćivanjem sadržaja Gradine zasigurno će se unaprijediti turistička ponuda grada Tešnja. Time će se osigurati da se u narednim godinama broj posjeta Tešnju značajno uveća, što je ujedno i glavni cilj ovog pilot projekta.



Plan aktivnosti predviđen u programu djelovanja za 2009. godinu je širok i obuhvata više aktivnosti a pošto se ovim pilot projektom planira program djelovanja za period od 01. maj 30. oktobar, onda će se pristupiti planira-



nju i realizaciji onih dijelova koji su tehnički i finansijski objektivno ostvarivi za taj period.

U tom slučaju program aktivnosti bi obuhvatao sljedeće korake u radu:

1. Određivanje privremenog korisnika prostora Gradine
 - a) uvođenje naplate ulaznica
 - b) postavljanje smjernica/putokaza i info-tabla
2. Privremeno rješenje infrastrukture (voda, wc i kanalizacija)
3. Otvaranje kafeterije/restorana gdje bi posjetioci i turisti bili opsluživani hranom i pićem
4. Uređenje suvenirnice
5. Nabavka inventara za kulturne i zabavne sadržaje (stolice, binokulari, replike topova i katapulta, rasvjeta na pozornici, plato za sjedenje i odmor...)
6. Ponuda organiziranja kulturno-zabavnih manifestacija koje bi se uklapale u postojeću šemu.

Sa početkom turističke sezone 1. maja 2009. i život na Staroj tešanskoj tvrđavi bi trebao da dobije novu atraktivniju dimenziju koja će svojim sadržajem privlačiti domaće i strane posjetioci i turiste a po čemu će Tešanj biti još više prepoznatljiv.

POTPISANI UGOVORI O STIPENDIRANJU STUDENATA IZ REDA BORAČKIH POPULACIJA



U Sali Općinskog vijeća Tešanj potpisani su ugovori o stipendiranju studenata iz reda boračkih populacija.

Ugovor su potpisali Ministar za boračka pitanja ZDK, Sejad Nalić, Općinski načelnik, Fuad Šišić i 108 studenata sa područja općine Tešanj, koja su ostvarila pravo na stipendiju. Studentima se u ime Općine Tešanj obratio Općinski načelnik i naglasio kako obrazovanje treba biti prioritet, jer su obrazovani ljudi oslonac u budućnosti.

Ministar Nalić je zaželio svim studentima uspjeh u daljem obrazovanju i istakao kako je Vlada ZDK za ovu godinu izdvojila 1.259.000 maraka za stipendiranje 1.215 studenata sa područja ZDK.

AKCIONI PLAN OZELENJAVANJA ZA 2009. GODINU

Prema Akcionom planu ozele-
njavanja 2009, površine planirane
za uređenje su: Centar Tešnja, Je-
laha i Tešanjke te putevi Tešanj-
Jelah, Tešanj-Tešanjka, Jelah-Te-
šanjka.

Shodno tome, dati su prijedlozi
uređenja:

1. Grad Tešanj: park ispred Op-
ćine, park fontana kod Osnovne
škole Huso Hodžić, kružni tok,
zelena površina ispred zgrade Op-
ćine, Obješenica, žardinjere is-
pred hotela

2. Centar Jelaha: raskrsnica na
ulazu u Jelah i Spomen park u Je-
lahu (trg)

3. Centar Tešanjke, Spomen
obilježje (raskrsnica na Tešanjci)

4. Putni pravac Tešanj-Jelah:
javna površina kod ulaza prema
Plavoj džamiji, javna površina
(pojas) Novo naselje-regionalni

put i površina kod mezar luka na
Vukovu

5. Putni pravac Jelah-Tešanj-
ka: raskrsnica u Ljetiniću i

6. Putni pravac Tešanj-Tešanj-
ka: putni pojas od kružnog toka do
naselja.

R. br.	Lokacija	Rok	Ukupno (KM)
1.	Park fontana Tešanj	25. 04.2009.	1.200,00
2.	Obješenica	20. 03.2009.	650,00
3.	Park ispred općine	25. 04.2009.	450,00
4.	Površina ispred zgrade općine	25.04.2009.	380,00
5.	Kružni tok - Tešanj	25.04.2009.	340,00
6.	Žardinjere ispred hotela	25.04.2009.	230,00
7.	Javna površina (ulaz prema Plavoj džamiji)	kraj marta	3.008,00
8.	Pojas uz Novo naselje (preko puta Sirana)	kraj marta	2.000,00
9.	Škola Krndija	kraj marta	180,00
10.	Kružni tok - Vila	kraj marta	1.450,00
11.	Raskrsnica Jelah	25.04.2009.	250,00
12.	Spomen park - Jelah	25.04.2009.	750,00
13.	Spomen obilježje Tešanjka	25.04.2009.	540,00
14.	Mezarluk Vukovo	kraj marta	600,00
15.	Raskrsnica Ljetinić	25.04.2009.	250,00

Tabelarni pregled lokacija planiranih za ozelenjavanje

PITANJA I INICIJATIVE VIJEĆNIKA NA 5. SJEDNICI OPĆINSKOG VIJEĆA TEŠANJ

Na 5. sjednici Općinskog vijeća
Tešanj održanoj 27. februara 2009.
godine postavljena su sljedeća vi-
jećnička pitanja i inicijative:

Vijećnik Mirza Unkić je u ime
Kluba vijećnika SDP nakon dobive-
nog odgovora na vijećničko pitanje
koje su postavili na 4. sjednici Vijeća
zatražio:

"S obzirom da su prema prikup-
ljenim informacijama od građana
MZ Kalošević i organa ove MZ sa-
znali da je veterinarska Ambulanta u
Kaloševiću u navedenom periodu ra-
dila oko 1 mjesec i to dva dana sed-
mično po dva sata, ne mogu prihva-
titi dostavljeni odgovor i traže da u
što kraćem vremenskom roku otpo-
čne s radom navedena Ambulanta."

Vijećnik Esmir Subašić je u ime
Kluba vijećnika BPS - Sefer Halilo-
vić tokom rasprave vezane za njiho-
vu inicijativu sa 4. sjednice Vijeća
kazao i predložio sljedeće:

"Da uvažavajući činjenicu da je
edukacija predsjednika Savjeta i se-
kretara MZ već otpočela i da će vje-
rovatno na narednoj sjednici Vijeća
biti posebna tačka vezana za rad MZ,
povlači 2. i 3. tačku pomenute inici-
jative, ali da i dalje smatra potreb-
nim da izvršni organi razmotre mo-
gućnost edukacije kompletnih sasta-
va savjeta u MZ o čemu je elaborirao
na prethodnoj sjednici Vijeća a na
čemu neće insistirati, te predložio da
se sadašnja edukacija dopuni izra-
dom dva uputstva od strane stručnih
organa izvršne vlasti:

1. Uputstvo za rad sekretara MZ
sa potrebnim tipičnim urnecima do-
kumenata u prilogu (zapisnici, izja-
ve, izvještaji, odluke za investicione
projekte, način vođenja arhive, bla-
gajne itd.).

2. Uputstvo za vođenje investicija
MZ (rad građevinskih odbora) sa ur-
necima tipičnih dokumenata u prilo-

gu kojima će biti obuhvaćeni svi bitni
elementi u cilju postizanja maksi-
malne transparentnosti u radu."

Vijećnik Senad Subašić podnio
je sljedeću inicijativu:

"Da Vijeće donese zaključak ve-
zano za informisanje o radu Vijeća i
da u cilju što boljeg informisanja
građana o radu Vijeća, Općinski na-
čelnik sagleda mogućnost da sjed-
nice Vijeća ubuduće prenosi i NTV
"Amna" Tešanj, s obzirom da prije-
nos lokalne TV "SMART" može gle-
dati samo jedan dio građana na pod-
ručju općine Tešanj."

Vijećnik Sejid Brka je u ime Klu-
ba vijećnika BPS - Sefer Halilović
postavio sljedeće vijećničko pitanje:

"Nakon što je u cijelosti pročitao
pismo koje su dobili od strane uzgaji-
vača maline, zatražio je da im se do
sljedeće sjednice Vijeća pripremi in-
formacija o toj problematici."



Sa ekološkog stanovišta
najprihvatljivije je
izbjegavati korištenje
plastičnih proizvoda,
posebno plastične ambalaze.
Plastična boca i kese
bačene u prirodu razgrađuju se
od 100 do 1000 godina!



Općina Tešanj